



南齋先生魏文靖公摘稿卷之七

後集

寧國縣知縣前纂修國史鴻臚寺序班男完編次

通奉大夫福建布政使司左布政使孫瑋撰

甲文

故中憲大夫南京大理寺左少卿呂公神道碑

嗚呼此中憲大夫南京大理寺左少卿呂公之墓也公諱

某字某別號振鐸年九十以景泰五年十二月十五日

沒於正寢明年十一月十九日瘞于此公先世山東之

歷城人宋丞相謚忠穆諱順浩之九世孫也代有聞人

曾祖某祖某父文著累贈奉政大夫濟政府尹母陳氏

累贈宜人其居紹興之山陰則自忠穆公賜第居始後
居今之諸暨則又自公之父始公生自幼莊重不凡甫
冠奉父命為郡庠弟子員時前春坊贊善天台王先生
俊華為郡庠教授公師事之於所學晝夜罔輟不煩師
資先生於人甚慎許可者見其篤於勤勵曰吾良友也
異日不底于功業遠大則吾不信業成洪武中果膺鄉
薦明年中乙榜授溧陽教諭五載以近臣薦陞江西按
察司僉事召入修永樂大典書成拜賜賚甚厚以前官
調山西按察司丁父憂服闋復以前官調福建按察司
九載秩滿陞南京大理寺左少卿至兩為會試同考官

經事 五朝功烈聞望昭々於人至垂五十年之久惟
公之仕所至以教化為先而本之以躬行之實廉以持
已一毫不取於人公以蒞政一事不昧於理致人在々
愛之畏之其愛之者曰吾夫子其畏之者曰吾閩羅且
樂獎進賢材若今太子太師吏部尚書吉安王公少保
禮部尚書臨江金公禮部侍郎廬陵錢國子祭酒安
福李公葦公所薦進者凡致重於公所奉簡牘不稱曰
門生則曰侍生則公為人可知矣矧迹聞江西大丈夫
今祀公於郡先賢之祠此尤可見公之德政入人之
深又如此大抵公之所致實由推所素蘊行所實踐而

然使士君子皆如公之為人則學問其有不克政事其
有不成者哉予嘗憶先君子尹江西上高時公知先君
子之為人每按部不抵上高而謂其隣邑之俗厲曰使
汝輩皆如魏尹之所為奚庸我至爾邑耶先君子亦謂
予曰今之為按察官如呂公所為一道風生者誠不多
見汝輩欲為人不可不以之為法及予入仕也且獲請益
于門公與之進道之必以正理引之必以正行諄然
有不一而足者嗚呼先正有云不有先覺孰開我後予
於公有焉予公不可作矣予亦衰老痛公不及見矣茲
公之子公憲持山西按察司按察使予友雲間俞奉所

為公傳福建汀州府知府同郡予友俞佃所為公狀徵
予紀其行寔于鹿姓之石予不敢以不文辭且至敬亦
不可以文姑述其槩俾歸刻之以為士君子勸若欲知
公履歷之詳則自有二俞友之傳之狀在子男一即公
愿嘗膺鄉薦中乙榜授山東鉅野縣儒學教諭今陞松
江府儒學教授所操所履速肖其父人謂其他日所至
殊有未易量者孫男六曰謹曰詵曰讓曰詳曰諧曰謚
詵今為郡庠生曾孫男二曰瀨曰泓皆敦詩尚禮稱其
家兒故併及之

大明誥贈樂清章新民章文寶侍郎碑陰銘

速肖疑是
通肖

恭惟 天朝 聖上相承其仁如天弘敷激揚之典於
凡仕於朝有勞績顯著視其品秩咸有 誥敕以旌異
之至原其所自又推 恩以及其親若南京禮部右侍
郎樂清章君綸三品例得封贈二代于是綸之祖考新
民考文寶獲拜 誥命如其官皆贈通議大夫南京禮
部右侍郎寔天順四年十二月某日也綸既歿黃復謹
礮石勒 誥命於二親之墓前謂 上之恩猶大地不
可不如是用情以昭之也既而曰二親之所以致此者
固出於 上恩亦未必不由二親平日之所積而能然
乃持監察御史范霖所為行狀少保戶部尚書黃文簡

公所製墓誌徵騷銘刻于 誥命碑之陰非惟欲後二
親之德而且欲世世子孫知 上恩之及於二親者為
甚隆宜思何以為報也懇上馬不遠千里具書幣為之
請騷素重綸忠孝人也不敢以荒耄辭遂序而銘諸惟
新民字因之讀書不為章句儒端慤貞懿明白坦蕩見
義勇為雖赴湯蹈火亦所不辭或遇偽言偽行者必疾
之如蛇蝎嘗為鄉之萬石長於飛芻輓粟竭盡心力視
他姓能不煩有司督促必率先以完致小民免有魚肉
鞭笞口誦心惟感其德者甚夥由是獲上官愛之重之
於所行有不逮必就之以咨可否蓋以其有才識然

耳鄉有某甲與某乙有怨欲盡殲乙兄弟三人公知之
即密與慰解致乙兄弟不至罹所害鄉井聞之者無老
稚咸稱之曰長者長者云文寶字叔珍未冠失怙克自
樹立英偉倜儻博通諸史與人談上下二千餘年事歷
歷猶指諸掌俾聽者無不厭服以為不可及事母甚孝
撫二幼弟文拱文洪友之愛之朝夕不欲其左右有勞
苦事必躬任之皆不令其預自洪武至宣德嚴父之役
為萬石長凡二三十年於所徵歛未嘗毫髮愆于繩度
小民以其淳善至稱之曰章大佛宣德間歲歉盜賊竊
發官委緝捕公艱苦萬端有為謀者曰曷鬻田產賂所

司以脫斯委艱然曰田產乃祖宗所遺鬻之可乎惟怯
避難而欲嫁禍於人可乎其人語塞而去或又曰某甲
某乙乃公怨家也當乘此以盜株連之殲其身絕其孽
可也公曰仁者不為也仁者不為也舉凡於義所不當
為者毅然不為多類此于以見綸之二考其設心制行
殊過世之人遠甚誠不忝為一鄉之善士惜其所抱負
不及一出試而沒茲乃發之於后人致 宸章之褒炳
、煊、漏澤泉下有不可與泐幸獲者比書之於石孰
曰不宜以狀考之綸之章氏世居樂清之南閣實五季
時閩王太博仔鈞第七子仁政派初居浦城仁政生賁

賁生務避亂遷樂清子孫遂為樂清人官至太尉自是
青紫蟬聯不絕至有曰希恩者元進義即為綸祖考通
議府君之曾祖考通議府君之高祖有曰開者元德清
縣典史本樂清北閭吳氏子進義無子立以為嗣為綸
祖考通議府君之祖考通議府君之曾祖也有曰性別
號默菴者為綸祖考通議府君之父考通議府君之祖
也傳次而來新民實為綸之祖文寶為綸之父綸祖考
通議府君配夏氏贈淑人生子男三曰文寶文拱文洪
綸之父通議府君配邵氏卒繼配金氏俱贈淑人側室
陳氏生子男三曰對邵氏出曰嶽陳氏出曰綸即侍郎

金氏出女三鮑宗瑞方永文陳明糾其壻也孫男十二
懋濠爵耽奇異俊特嘉清應會綸字大經初名崑父命
也前郡守吏部尚書何文淵改今名由庠序生膺正統
戊午鄉薦明年登進士第名在第二甲第一任禮部主
客主事秩滿奉 敕贈考文寶承德郎禮部主事母邵
氏金氏皆安人景泰中陞儀制郎中建明修德弭災等
十四事內復儲一事有忤居園扉者三年天順元年蒙
恩陞禮部右侍郎調南京禮部右侍郎又調南京吏部
右侍郎易曰積善之家必有餘慶若今綸之經行明修
登名黃甲官至亞卿有直諫之名聞天下至拜恩賜誥

榮及二親苟不由先世垂祥委祉則又奚能致哉范文
正公曰自祖宗來積德百餘年而始發於吾以綸觀之
夫豈不信為章氏子孫者尚當益培其德而勿替引之
殆餘慶之來又有不止此者可卜矣故併及之以為勉
銘曰

猗歎名宗積善是崇延于二父培植愈豐和睦親戚周
恤困窮徭役閃避徵歛惟公無怨無尤有忍有容靡間
父子不齟始終積必有發後豈畱逢名登黃甲官拜
南宮忘家報 國篤志據忠亞卿拜進 鸞誥拜封琳
琅金薤大呂黃鐘澤及二代匪徒厥躬立石表

恩光流若無子孫趾美百世無窮

重建廣東廣州府仰高祠之碑

廣東廣州府有祠曰仰高乃奉勅巡撫兩廣都察院右
僉都御史葉公之舊重建也初廣州有祠曰十賢堂八
賢堂曰廉吏祠二獻祠奉晉唐宋元及 國朝之名宦
與鄉之先賢其名宦若陶侃滕修吳隱之王綝宋璟李
朝隱盧真李勉孔戣盧鈞葉傲潘美向敏中魏瓘邵暉
陳世卿陳從易張頡蘇軾楊長孺張弘範楊信民凡二
十二人鄉賢若余靖張九齡古誠之崔與之溫若春季
昂英郭闔凡七人亦所奉之祠以多歷年所而所謂十

賢八賢廉吏二獻者有存有否殊失其瞻公知之愀然
曰諸賢之祠昔人必以禮以義而起之者也名存寔亡
其可乎哉今曷若萃諸賢之祠為一而庶責有所歸必
不底于隳弛公即會諸部使者與布政司按察司官僚
議余以為然遂擇郡庠之巽隅高亢明爽之地為址構
祠準式為主於中居者名宦於左右居者鄉賢其位次
不以官爵之崇卑而以年代之先後設主以奉安之焉
祠易舊名取詩高山仰止之義名之曰仰高蓋欲人仰
諸賢之高風峻節云仍俾為郡者每歲春秋二上丁享
先聖先師禮畢擇日率僚屬諸生於祠以行釋菜之禮

著為約祠之成實夫順己卯正月也明年知府沈琮至
於拜謁之餘重公斯舉得禮義之宜有繫於風教不遠
數千里致書於予求言以紀興作之由于石殆俾祠永
永勿壞夫名宦與鄉賢之祠通都大邑在上皆有誠以
其有功德及人而然雖祭法曰有功於人則祀之其祀
之也然非出於人秉彝好德之良心則亦莫之能致矧
廣州之名宦鄉賢如前所書者皆有功德以及人者且
祠以奉之其來非一日今恐廢之乎恭惟明皇取字以
聖德聖正禮樂大興之日因其時而舉其廢也誠宜若
公是舉寔有關於風教使非公識達大體知所重輕則

又奚能用心得於禮義至如是耶行見官於斯土者與
生於其鄉之士於祠登降裸獻之頃寧不有感發興起
思趾其美以如其人者乎此又不可不知葉公沈公建
祠求言之外有望於後人之盛心也葉公名盛字與中
由進士為吏科都給事中陞山西參政至今官姑蘇之
崑山人沈公名琮字公禮亦由進士為兵部主事陞知
府前為夔州今為廣州嘉興之平湖人二公皆有守有
為之士歷官在、著毅而至當不止是者宜併書之

墓志銘

故理菴先生

嗚呼公以揚州府知府去官而歸歿于家之正寢其子
麒等奉通政使司通政錢唐畢公昌狀徵銘墓上石以
圖其親之潛德於不朽惟予与公有姻家之好亦頗知
公者銘奚可辭惟公諱傳字全理理菴其別號也先世
汴人有仕於宋者扈蹕南渡始居會稽之鯉魚橋至七
世祖仲二府君者遷今上虞之通濟坊遂占籍為上虞
人公自幼穎敏讀書一日數行俱下年甫十二充邑庠
生論冠以葩經領、會闈中乙榜授山東濟南府今
武定州學正州罹兵革廟學俱廢生徒皆遁公既至竭
其心力於廟學則經營以完之於生徒則召誘以歸之

聿致先聖有愛靈之所賢才有進之之地至膺薦為
考湖廣之試官所得人才甚稱其選親疾每夕焚香禱
于北辰願以已壽益親之一親相繼歿塋祭一遵子
朱子家禮所費悉出已貲不勞昆弟服闋以前官調無
為州於所施設不減武定值朝廷求賢膺少保禮部
尚書南郡揚公薦陞行在之察院廣東道監察御史未
幾調南京都察院福建道監察御史凜乎風裁舉正擊
邪殊得其體既九載獻績在途有命自天陞直隸
揚州府知府揚州路當南北要衝素號繁劇公處之裕
如吏民安之三載如一日忽以事例屬去官公怡然曰

士之生世所為貴無媿於心耳且其去其就有命存焉
矧吾年將耄得遂首丘之願足矣遂不白而歸殆青鞋
布襪經丘歷壑與故舊尋昔所釣遊處嘯傲烟霞消搖
泉石和擊壤歌樂太平之樂孰意一旦竟以疾終惜哉
曾祖均瑞祖厚善父友仁嘗以公貴勅贈文林郎南
京福建道監察御史母孔氏贈孺人配孔氏封孺人子
男三麒麟鳳女三葛耀徐探魏完其壻皆名族孫男四
諤韶震坦文一尚幼其生也洪武己卯四月初四日其
卒也景泰乙亥八月二十五日其塋之辰卒之明年十
二月二十日也塋之所邑之某山之陽也惟公居家盡

其孝友蒞官竭其忠愛可謂之不媿其為人矣或謂其平生有不協於人者由其賦性剛方秉至不屈焉耳故予於公亦云為之銘曰

其才也鉅其氣也剛自負甚重自力甚強袂邪是耻正直是將柰何用弗克究身遽云亡惟窮通得喪命有靡常君子安之厥德愈光遺說斯立千古其裁冀爾後人昌其未昌

故通奉大夫浙江左布政使李公墓誌銘

嗚呼公端人也質而有文朴而不華遇事則不亟不徐為之必成底成績蓋任重道遠器也累任至浙江左

政使以疾卒于官第之正寢其家嗣唐科奉樞婦葬

鄉以墓未有刻碑無以昭其不朽者先期奉其同門友

廣西叅政武公達狀於予請銘而共同寅叅政臨川

謝公輔暨紹興知府白公正直為之請况予亦素知公

者不敢以鄙陋辭遂卒而銘銘狀公名葵字宗倫山

西之渾源人世以積善為子病曾祖某祖某父仲亨贈

文林郎河南道監察御史中丞氏對太孺人用公貴也

公昆季二人行者次自少為重不凡殊為文林公可鍾

愛嘗指公謂一曰吾家世積善者德吾視所善必在此子

甫成童即遣一郡庠為多子其公勤於講誦不須

雖初寒暑雨手不釋卷至慮侵凌避匿山谷間
松脂為明以紫其葉或連日不少解同匿者感之公從
他所業之命雋雖一以未獲出應鄉為君高第明年會
試禮闈升太學庶幾尋味可南道監察御史淳平風裁
綱修紀飭政先進不取以改選易之喻年河南民被所
司以枉籍為軍者來訟京動以萬計上命公辦之
公按其地審厥所以甲是乙非鑿之惟允民用以宣未
幾開封有群不逞殺越人于貨者不治則滋蔓為生民
害上復命公處治公至會三司設方畧擒獲殆盡有
其情不得已而脅從者則釋之一方之害遂息又若南

京應元氏被勢要家侵其田民畏其勢莫之敢訴

上聞之亟遣公往覈其實公廉得其情悉歸其田於民
俾民獲遂所欲而豪右為之束手由是聲聞愈彰值江
西按察司按察使員闕遂膺近臣交薦拜命而往公
既蒞止辦貪廉明枉直一方清肅軍民稱快者殆九
以丁內艱居故里時渾源寇來侵公躬擐甲胄与守
禦官兵且戰且守致寇不敢近殺其酋十數人公与有
功焉奉命驛召至京陞浙江布政使司左布政使
夫浙江地大政繁每難其人公於承流宣化之餘不所
庶務則不勤發氣之有方事輯民安而上下交

慶焉今遽至此則孰不為之慨惜配夫人齊氏先公七年卒繼配楊氏先公母氏一為婦為母具得其道且治家恭儉或謂公之有為者守亦夫人贊助於內云公生於洪武癸酉二月初一日卒於景泰丙子六月廿五日夫人生於洪武乙亥三月十二日卒於景泰庚子七月初五日子男四口唐曰庠郡庠生曰序曰庸女二一適同郡武清廣西叅政公之子一尚幼孫男一女二下以其年月日与夫人合兆于鄉之某山祖塋之次焉銘曰人孰不仕公仕特優哉解不宜率副所求肅內臺公既理矣外臺堂公亦得體健藩荐蒞政行化宣不動

聲氣若使而然云胡弗壽遽釋其位聲實具存夫復何愧故山哉千古其藏過者宜式視此以垂章

資政大夫南京兵部尚書徐公墓誌銘

景泰四年三月初四日徐公歿于南京仙第之正寢

上聞嗟悼遣南京禮部尚書張惠諭祭命工部營葬事

明年某月某日葬于錢唐縣南山獲泰鄉之原先期其子鎡衰麻奉進士陶元六狀徵銘其墓嗚呼公其歿耶予往年致仕東歸時公凌晨送予於三山門外挽予舟執予手曰我一二年亦必乞歸幸毋忘同朝同鄉之好尚當與公徘徊西湖之上以整平生之歡也其言

猶在耳何遽與予有幽明之隔即公諱琦字良玉世錢
唐縣之江頭人家素饒財以祖被徵累謫成濠梁再徙
寧夏公生寧夏姿英毅幼耽嗜經史時四方名儒達
士流寓寧夏者多公從之游難疑質問至忘寢食要之
然而後已致牛長者樂與之進而器重之至蒙
主殿下亦知其為久乃之曰吾封內讀書者少異
惟望汝出色為朝廷大器也公俯伏授教由是於學
於行益加策勵而敢少緩未幾以蔡氏書戶陝西鄉
試春闈中乙榜入小學卒業游祭酒胡公之門公愛之
俾朝夕侍側聽所講授故學尤倍進再明年登進士第

人多榮之

人有進士者自公始也既第推行人

司行人授迪功郎奉使足跡幾半天下在在著水蘖聲
臂近巨薦陞刑部陝西清吏司外郎改北京行部兵
部宣廟即位命兵部清理天下軍伍尚書張本委公
司理其事大著績事竣調行在兵部職方清吏司
勅誥授奉直大夫既而上慎簡廷臣之有為有守者
使安南黎利此署國事公與薈陞行在通政以司右通
政以行既至利命畢遣人相見禮公曰吾奉

上命至爾國爾一能盡禮於前者即所以敬朝廷禮
何庸譏利聞即趨拜坐下坐所醜球異亭無所受及

還命清理天下軍職貼黃陞兵部右侍郎 賜誥授
嘉 大夫 上復命公賚勅問黎利往年抗拒王師之
身定歲貢常例至則利死利子麟尤為險詐公宣布朝
廷威德暨曉以禮義示以禍福辭旨英暢俾一國上下
無有不俯首帖服者至咸議曰此天使有不可以執屈
不可以利動雖鬼神亦當信服之我輩乎由是麟即感
戴 上恩乃鑄金人一以代躬謝仍備之物遣陪臣以
進 闕廷所魏珎異猶前毫髮不受還朝公奏臣有寧
夏我籍未除 上命兵部除之復命考察南直隸官吏
公黜陟惟允士論多 奉 勅參 總兵官襄城伯

李隆守備南京機務正統己巳 犯邊 上以南京
根本重地特陞南京兵部尚書仍參贊總兵官豐城伯
李賢守備南京機務京衛官軍悉聽節制降 勅有清
勤公正茂著才猷之寔金織襲衣白金之賜有一言往
年分調官軍丁口之在南京者宜悉徙北京 朝廷欲
行其策公即會六部議曰南京實國家根本凡舉措不
宜輕易今調昔者所調官軍遺下人口往北動輒不下
數萬其中安亡重遷者多人心一搖恐事有不可測者
乃即與六部上其議事遂沮拜 勅有祇事國家勤勞
茂著之褒白金文綺之賜壬申秋九月忽遘疾上疏乞

解印綬 詔不允命太醫院擇醫調治 賜誥授資政
大夫命下之日猶能力疾行謝禮孰意竟以是疾不起
享年六十又八公端方重厚督慮周密蹈規矩謹繩墨
人有非義干之者公亦不拒亦不荅至於論是非則辭
色毅然不合於公不止自領叅贊來凡所授 勅書不
下二百餘通於所委任無敢毫髮愆墮至不待有命凡
職分之所宜為者又無不竭力盡心以為之若武學既
建而師徒輒苟簡儼坐以為講肄之所公嘆曰此豈足
為 朝廷教育賢才地哉即具奏擇京城西南高亢明
爽之地一區以創其學材木瓦甍有所未備公即捐俸

以足之又曰有學必有廟古之制也今有其學廟可無
乎即又首捐已俸為倡經營締構卒致有學而有廟焉
且平生篤於孝友嘗以祖父歿皆寓葬寧莫未及返故
鄉每念一至輒泣淚下曰吾老矣望他日成吾志必吾
子也有姪三日鏞曰鏞皆少孤公教之育之不異
已出俾皆有室至皆有子愛其子尤不異已孫焉曾祖
達之祖德富累贈資政大夫南京兵部尚書祖妣李氏
累贈夫人父永泰累贈資政大夫南京兵部尚書妣李
氏累贈夫人配于氏累贈夫人繼配于氏累封夫人子
男一曰鏗即求銘者讀書惇行不凡器也女三一適劉



原件短缺

P17-P18

瑄杭州右衛指揮僉事一適金吾後衛指揮同知總
一尚幼孫男一曰遠公所交文章德行之士非不多
而臨終囑其子以銘見諉蓋以予相知為最深耳故不
敢以不文辭銘曰天佑

皇明篤生英傑嶷々堂々公與其列榮躋膺仕爰自甲
科不剛不柔不偏不頗蘭在帝心累升樞要敷歷中
外動輒有效曰鎮南京南京以寧曰使南交南交是懲
由學之正由行之方赫々勲烈宜紀奉常經事

五朝終始一致不沒者存慶鍾賢子南山之陽土厚泉
深于以受魄千古自今

為設法修葺賑貸其地諸水皆趨滇池在昔為土堰以
障其流屢修屢壞公易石以甃仍置牖視水大小而啓
閉以時民甚利之天順改元調福建按察司副使復將
有為無何按部屬郡以疾卒于建寧之分司其生永樂
甲申六月廿八日享年五十又四配王氏累封恭人子
男四曰玫瑰璉琦珣邵庠生女三一適何鈺一適霍景孫
男四女二公賦性英邁有猷有為敷歷中外幾三十年
所至猷為有聞致膺眷注蒙寵賚者不一豈淺々之
為儒者之可比使天假之以年則其功業豈如是而已
哉是宜銘之曰

胥江之濱山明川麗篤生瑰傑公其是似 明時式遘
聿膺任使棘寺烏臺文章政事勲績煌煌逾著南詔既
文且武有條有要軍功克建軍機克料匪寬則猛以靖
邊徼 褒嘉自 天重榮疊耀衣被曷勝感激奚報企
古蓋臣畢智單慮惟忠惟勤惟仁惟恕調官八閩耳目
之寄惕厲戰兢葦蕭風紀蝨剔姦除寃伸在理惜施未
究乃止於此龍山之原千古托體流譽無窮可謂不死

朝請大夫贊治尹國子監祭酒致仕陳公墓誌

銘

天順三年五月二十日朝請大夫贊治尹國子祭酒致

仕四明陳公年八十又三卒于正寢將以是年十二月
十二日塋于邑之某山之原先期其子國子學正培以
主喪不敢離於殯側遣其弟塗持南京工部尚書兼大
理卿前都察院右都御史王公某狀徵予銘其墓噫予
與公老友也可忘情哉不敢以不文辭乃按狀序而銘
之恭惟 太宗文皇帝臨御之初急於得賢以永樂初
科所取之士四百餘人之中拔其尤者曾榮等二十八
人俾入翰林盡啓中秘書畀讀之以期其文行不至於
古之人之地不止若公亦其一也公名敬宗字光祖別
號澹菴長身玉立丰姿洒灑然望之猶神仙中人自幼

龔家庭父兄詩禮之訓用冠入邑庠為弟子負荐以詩
經膺薦中鄉闈上春官對 大廷遂登進士第為庶吉
士以復膺簡拔感 上策勵之重自入翰林不懈於用
力致學之進若水湧山出聲名歛起乃預修永樂大典
修 大宗文皇帝實錄事竣復于禮部兼文綺寶鈔之
賜選為刑部主事未幾 召修性理五經四書大全改
翰林侍講修北京志書以母喪歸宣德改元驛召奪情
修 仁宗皇帝實錄為會試同考官陞南京國子司業
奉 敕獎諭詣 闕謝 恩志在整飭學規有沮抑奔
競沙汰冗員等六事入奏皆拜 俞允回即嚴立教條

痛革諸弊日勵諸生刊落枝葉培植根本致六館之士
從其化者翕然先聖殿學館暨諸生寓舍書籍禮器有
弊壞者悉整飭如新九載陞祭酒奉 誥命封贈父母
妻室仍 賜歸行焚黃禮復 賜寶鈔六百錠為祭奠
道里費存沒有光實出異數公為文章出經入史上於
應 制下及酬答四方之求不費構思下筆如流比迹
大家且工書法有晉人風度至若操執猶玉壺秋水梳
之不濁澄之則清愈徹其底也歷事 五朝幾五十子
無纖疵毫類之可指景泰庚午以年七十乞致仕章凡
再上始得 請既歸閉門却掃優游家居者十年更其

號曰休樂老人至是享有高壽而沒遠近聞之者無不
為之惋惜焉曾祖希曾祖德莊皆樂恬靜為鄉聞人父
枕德興知縣累贈朝議大夫國子祭酒妣伊氏累贈太
恭人配桂氏先卒繼配蔣氏俱封恭人側室劉氏子男
七場早卒培國子學正坊邑庠生垣塗長樂縣學教諭
埤周皆業儒女三一適桂怡湖廣按察司副使一適裘
平一適趙增皆名家子孫男十四女若干曾孫男若干
女若干平生著述有澹菴集行于世嗚呼天之生才何
代無之故出而適諸用者恒雖有其人然欲求其文行
始終一致者殊鮮若公之所負其文其行始終克副

上之所期待至享有全福而歸一世能幾人耶是宜銘

銘曰

士之文行必貴兼政文純行斯足為士維公之文出
經入史維公之行迪仁蹈義載筆兩京潤色

帝制作範六堂矜式諸子一代熙宗五朝國器

邦家之光斯文之流皓首源歸正寢而斃生榮死哀名
完實備鄉山之原千古托體塋之存尚佑來裔

故正奉大夫浙江布政使司左布政使梁公墓

志銘

正奉大夫浙江布政使司左布政使泰和梁公享年七

十卒于位將以是年某月日葬于邑之某山之原其孫
壽以主喪不敢維於賓側稟命於其祖執右布政使涿
郡秦公左叅政柱林陳公遣案牘熊某越江持公友浙
江按察司按察使同邑曾公所為狀徵予銘其墓嗚呼
予與公之父兄素所往來者且識公之文字於鄉之秋
闈知公為最深銘何可以不文辭但不忍為之也公名
蔡字叔車別號松軒而梁實泰和右族世以詩書禮義
是務子孫或顯或隱代有其人公自幼承家學之懿端
重不凡有相者見之指公謂其祖畦樂先生曰是兒他
日貴不可言宜善撫之與兄果習舉子業兄弟且為師

友業殊有進膺薦秋闈一掉鞅兄弟皆捷公尋中進士
第授刑部主事未幾陞員外即時尚書魏源性嚴憚人
莫敢近獨公遇獄有疑者能與之辯不歸于至當不已
若蘇之民人倪阿雙坐同謀殺人稱寃在獄一十五年
經十三司皆不能決部特委公取成案閱其所犯坐
減得不死由是公名大著膺薦陞廣西按察司副使兩
考陞廣西布政司右布政使一日他所洞蠻入柳州界
劫掠人民男女官軍追及之以所掠男女悉殺之以要
功公知之謂其首帥曰今後官軍但得被掠男女一人
生者准功一級自是男女得生者莫計其數田州土官

岑鑑兄弟互相讎殺經年不解時都御史馬公鎮守其地謂公曰此事非公往諭欲其二家帖服不能公遂行既至公曉以大義洎申 朝廷之大法二人即叩首曰不敢不奉公教二家即帖然服公還二家各以黃白金其數不貲為謝公悉却之曰得爾兄弟和氣如初尊奉朝廷即是我受惠也及一女土官梗化公與巡按監察御史侯爵皆行處治侯以風紀律之其徒擁衆咆哮不服公起叱之退徐以禮法曉之衆皆叩首曰唯公之教是遵再不敢有犯違天憲侯曰公何以得其心如此殆昔人所謂小范老子胸中有數萬甲兵者公其近之

矣又兩考陞令浙江布政司左布政使公至不動聲色以平日之所存者惟廉惟謹正以率之卒致貪廉薄歛利興害除俾一方面若老若幼無不仰之如神明尊之如父母迨述所職拜 上旌異賜宴禮部及罷衣既歸公以廣西與浙江所歷任歲月通理九載赴吏部併陳年已七十乞致仕部以公年雖七十精力未衰以聞上命復職至官感疾而卒高祖才可曾祖彥卿祖不移別號畦樂多才多學鄉里恒尊稱之曰畦樂先生父用之別號泊菴累官翰林侍 講春坊贊善其平生著作有泊菴集行于世母某氏有賢行夫沒慟哭哀毀不

食而卒配蕭氏德與之齊子男七曰翊早卒曰英湘鄉
訓導曰彥早卒曰芑霍在丞曰瑞曰光曰浙女二一適
高壠一適楊資孫男七壽宸寅寧宣宜魯孫男一政其
生也洪武壬申九月十七日其卒也天順五年八月初
十日嗚呼公之為政蓋多本之學問寬不失縱仁不失
柔威懷並著殊得為政之體之君子也狀謂其外和而
內剛方寸之間光輝明白信夫宜為之銘曰
猗歟公也右族之裔志篤詩書名登科第始官秋曹冰
蘖是勵三尺惟謹必先仁恕逮陟方面宣化承流雍容
坐鎮厥職允修化貪與酷敦薄與偷始終一致威德四

周述職于天榮膺旌異飲以瓊漿服以文綺煒煌煌
煌光昭青史今雖云亡可謂不死芝蘭玉樹有賢子孫
其流斯清實由其源家山是歸截嶽其墳揭芳振華勒
此銘文

故端居盧先生墓誌銘

先生名楷字用端端居其別號也上虞人予聞上虞多
詩禮故家名著其邑為最者曰盧傳管張而盧則又為
四族之冠其出詩入禮之士代為不乏若先生亦盧氏
之一也先生少負才儁洪武中膺明經薦初授丞山西
之懷仁再授丞廣西之桂平所至興學校勸農桑除奸

華弊卓匕有聲致民愛之猶父母戴之猶神明坐罍誤
謫戍陝西之甘州既至以書謁鎮守檢兵西平侯宋公
公聲威赫匕於人甚慎許可者与先生語特竒先生之
為人即留帳下為子弟師父之公沒先生以子代戍東
歸未幾復膺明經薦授直隸華亭訓導先生牖導有方
致力外之履恒滿出其門者多成德達才之士九載猷
績陞直隸祁門教諭而其為教不異華亭效亦如之又
九載年未七十竟以老辭其於進退之義其明決也又
如此既歸優游林下以禮以義矜式鄉邨者十有餘年
享年七十又八以微疾而卒計聞鄉邨孰不洒泣曰老

成人亡矣老成人亡矣考德問業而今而後從孰歸耶
高祖某曾祖某祖其父某母某氏配某氏繼配某氏子
男五伯遠伯深松江府學訓導伯時伯駿伯某皆讀書
惇行不忝為先生之子孫男若干人先生學探孔孟兼
天文律曆無所不通嘗誨其徒曰一事不知儒者所耻
今汝輩惟於場屋文字是攻問之他則緘口無對猶木
強人其可乎哉平生明白正大無所掩覆与人交篤於
信義人有負之者畧不与之校長子年二十辱先生之
教惟多當其婦也予時在考功執別之頃羨先生之乞
身未老以不獲隨後塵為歎先生曰以子之年以子之

精力此念之動須二十年後其殆庶幾乎其勉之子其勉之孰意其言果驗今先生已矣痛不及見矣予退休林下今年九十一矣以先生之子伯駿速銘先生墓上石予姑撮平日之所知按淡序而銘之銘曰
猗欤先生有德有學既以且深豈淺之若特厄於命道不大行使命不厄其效必弘無作無媿靡尤靡怨惟以所抱誨人不倦正變而斃不忘者存餘慶之昭子孫詵詵高墳歲莫祖光之側我銘揭步過者宜式

故驃騎將軍上輕車尉前鎮守浙江左軍都督
僉事致仕奉 詔進階榮祿大夫張公墓誌

銘

成化七年七月初四日驃騎將軍上輕車尉前鎮守浙江左軍都督府都督僉事致仕奉 詔進階榮祿大夫張公年九十又四以疾終于正寢先是公遺言於其子暘曰人之生死猶晝夜然吾今年已近百命在旦夕平生所交文士率多物故知我者在無如蕭山魏尚書公者吾若瞑目尔輩當求其言以銘吾墓公既沒暘奉柩將以是年八月初 日塋于錢唐北山之原乃奉遺言以告于併持四州布政司叅政錢唐吳君誠所為公狀未請銘嗚呼公少子四歲比交二三十年中間彼此宦

轍雖有東西南北之異迹雖跡而心則親也無日不拳
拳然今公已矣千載不朽之托雖不言尤當為之况遺
言之朕之乎故不辭即序而銘之按狀公諱真字以誠
鳳陽之五河人 聖朝洪武中兄祥任彭城衛正千
戶公嘗 皇帝奉天靖難時公年二十以武臣
子弟膺 卷從以功授彭城衛正千戶尋陞指揮同
知事平論功行賞陞徐州衛指揮使進階昭勇將軍公
克開誠心布公道以盡所當為致軍民按堵聲譽昭彰
永樂中以前職調浙江臨山衛 朝廷以臨山僻在海
島為倭寇出沒之所非得其人以統馭之不可誠以公

心遠老成足以當之而然也又之宣德癸丑膺近臣薦
陞浙江都指揮使司僉事甲寅入 覲廷議以公才行
卓越足任藩翰陞公署左軍都督府都督僉事鎮守浙
江正統戊辰金華袁州寇盜竊發守 口莫之能禦公即
躬擐甲胃率師平之拜 上璽書褒嘉實授都督僉事
進票騎 軍上輕車尉兼掌浙江都指揮使司事時公
年已七十上馬猶矍鑠精力不衰尚可与強有力者決
所以乃嘆曰古者七十致仕禮也又曰知止斯不殆知
足於不辱吾豈可不循禮以為之計邪即上章乞歸老
拜 上許之於是日唯優游錢唐南北兩山間以樂其

樂恭岳武穆王之忠過其同母監桓唯久經秦檜賈似
道遺址則日不少視觀切齒唾罵以惡其姦邪祖五
父得贈如其官祖母姜氏母姚氏妻侯氏俱贈夫人側
室趙氏李氏林氏子男四曰讓早卒曰智襲蘇州衛指
揮使亦卒曰嵩曰春奉勸分 詔公命出粟賑飢蒙賜
冠帶以榮終身女五孫男九曾孫男三惟公出自武弁
忠君孝親本乎天性慕詩書尚禮義樂与賢士大夫游
雖位至極品其輕裘緩帶雍容和粹未嘗以賢智勢位
誇人方諸古賢將若祭征 者一不忝也宜其倍享福
壽臻茲令終世果有幾人知之哉銘曰

繫欵公也才兼文武恭承 聖皇授職禦侮或使于外
或居其中克殫忠勇誕著厥功 天寵懋加公日愈謹
位斯以崇祿斯以進知止知足勇退中流湖山是樂不
假外求有聲有譽有孫有子視世之人能如者幾北山
之原泉深土厚托体于茲千古其久

墓表

故奉直大夫吏部考功員外郎李公墓表

國家設科取士以其士之才足以致君澤民而取之也
故士之所學朝斯夕斯亦惟攻其致澤之術俟其需而
展之耳夫何士於既出輒昧所學不卑 焉為勢力之

所屈則齷上焉為貨賄之所移求其於所學不背馳不
債事不罹辱不負 國家之盛意與所學者誠不多得
予友李公茂弘字用受台之黃岩人自登進士時予已
知其名而未之識及聞太常少卿錢唐儀之王先生道
其學行之詳而喜其為人名不為虛得者一日過翰林
會東里建安南邵三楊學士先生談後輩人物之長而
建安歷陳用受為戶部主事時緝事閩潘有為有守之
賢而東里南邵亦得而嘆賞之不置故予因其友工部
主事李文定邀致之而與之會一見若故自是相與日
密始悉知學行之正操履之篤竊慶科目之求而有斯

人我惟時求賢之 詔屢下建安欲薦之以居禁近或
曰惜用受鄉音未變耳清謹之才用之自有其地姑止
未幾吏部考功主事貞缺方難其人適用受自黃岩行
焚黃禮還少師吏部尚書蹇公遂奏改考功主事予時
為考功員外郎與之為同僚聲應氣求視昔裨益於予
為尤多匪特予得其裨益自尚書而下感慶以為得人
及予陞南京太常少卿執別之頃用受謂予曰某與執
事相見未知何日某之鄙陋惟是而已倘有未逮乞直
書見遺俾某始終得行其志 也既別聞用受冰檠之
操益屬予甚喜之日間其 中書考例得序進正五品

吏部時無正五品缺奏留為考功員外郎視正五品反
卑一級有為用受父居郎署不有峻權為惜者用受聞
之乃曰人豈不自知吾苟躡等而進其於吾才何安於
所遇又如此父之天假其祿予自南京驛召為吏部侍
郎又獲与之握手敘平生如故既而用受負外郎秩滿
予適奉勅巡撫于外孰意竟以疾辭廷臣知者咸留
之而不可得遂歸踰八載予亦謝事還山彼此方期抵
掌遨遊浙水東西以樂所樂無何用受屬疾至于不起
實景泰壬申正月十九日也享年七十又四嗚呼悲哉
上世閩人避亂徙黃岩初姓林氏以舅氏無後高祖天

麟奉父命為之後故子孫因循氏以李云祖元紳洪武
中膺明經薦遙授知縣試事戶部父長民以用受貴贈
承德郎北京行部戶曹主事妣茹氏楊氏皆贈安人配
丘氏封安人子男三曰謨鄉貢進士蘇州府學訓導操
履廉正有父風以居父喪哀毀而卒孝子也曰詵先二
卒卒曰恩讀書博行恪守先志女一邵能納其壻也孫
男五女二其壘之所里之官監山之原也所著有金壘
藁閩南稿東藩稿婦田集葦子家馮呼出受教重貞慤
廉介沉毅不奔競不詭隨遇事不擇險夷為之無毫髮
或戾所學故凡三為主事一為員外郎皆劇司也經事

四朝幾四十年所為所守玉潔水清始終一致其視彼
卑且齷且有媿科目與平昔所學者不其大有迥庭耶
年雖已躋中壽世位不遠德而所施未究其蘊焉耳賢
我乎用受今其已矣安得應科目之求能人上如用受
哉予念與用受相知非一日及為同僚彼此一心誠所
謂異姓骨肉也今而幽明遽隔敬臨總樞一慟而不
可得茲恩奉前翰林檢討江西按察僉事致仕陳先生
狀求予表其墓夫陳先生端士也為予素所敬慕者其
言尤可信其何可辭故按狀撮其平生自立自重所操
所存之大為表畀恩錫諸墓門之石黃岩固君子鄉也

尚使黃岩後來者知黃岩君子中之有斯人又救乎其
萃者也

故義民錢世淵墓表

金華錢義民既卒葬已五年矣其子達不遠數百里持
江西提刑按察司僉事王君迪狀介其宗人錢舜清徵
予表其墓在邑之玉泉里下廟塘之原先塋之次按
狀義民諱澤字世淵後其相知者私謚之曰敦義上
世抗之臨安人實五代時吳越武穆王之裔有遠祖昭
聰柔中曰昭聰者仕宋金吾上將軍殿前都指揮使出
鎮婺州婺即今之金華府卒葬婺之浦江縣鳳凰山曰

柔中者仕宋寶文閣待制充福建兩浙安撫使卒塋葬
之金華縣赤松鄉三泉皇子孫以二祖之墓在金華遂
定居焉稽其世次義民於武穆王為二十一世孫也曾
祖壽元龍游縣主簿祖彥父仲誠養晦林泉恬於進取
有至行鄉以長者稱之義民自幼習家庭詩禮之訓讀
書尚義忠厚出於天性与族人居族人犯之者不較也
与鄉人處鄉人有忤之者不較也家素饒資於義有所
富為者不知則已知則輒斥其餘為之不少靳若郡庠
之明倫堂石橋石山縣庠之兩齋兩廡校官之廨宇俱
久廢幾有舉之者皆出資以營建之且不以為已德迹

歲荐罹飢饉民不聊
家可獨飽耶即出

逋負者殺一

一生者多謂諸子曰歲事如何昔
一十二百石以助有司之賑濟民

以示再不索債

以濟者書其姓名以其名 聞拜

重書旌之為義民 至慶以羊酒景泰初聞浙之交山民

顯表不靖 上聞命特遣司之復遣子達輸米四百

石孫石輸銀二百 由是軍前以之調發事平論功行賞

遂拜 賜冠帶以 不終身石邑率之陸國子生以俟需

用其急於為義者 亦不終身石邑率之陸國子生以俟需

罷泊如也 亦待人 亦不敢一之或

歿生於洪武庚午五月初三日卒於天順戊寅五月廿
六日享年七十又九配湯氏繼配董氏子男四曰谷曰
達曰耳曰順女一適宗理浦江義門子孫男九曰君
一之曰穆曰稜曰采曰粘曰馨曰蔭曾孫男四女二嗟
天自昔隆平之世教化行而風俗美多本之於大家世
家世族為禮法之所在大家世族於所當為能
死尚則凡無不化之者若義民則素為
室觀義民平日之躬行實踐悉以義禮是遵則
之化之而成婦禮義之域也必矣則豈不謂之
世教之士哉丁故於狀撮其有警於俗者而為

之表俾婦鏡諸石於墓門非特為其子孫勸而且為其
有志於禮義者勸也

故中憲大夫杭州府知府胡君墓表

憲大夫杭州府知府胡君卒塋于鄉之鉛山縣山
原其弟清與其子瑛以太常少卿陳公狀所徵廣西
正布政使夏公銘致禮納諸幽已仍鑿石墓上請于杭
郡貳守李君復以前狀於予求又刻于石以表之予念
居林下於君治所雖有吳越之分僅不過限一水自君
視篆聞杭之民有嗚呼者頌君為政之美無老稚若出
一口竊嘆曰使天下之為郡者能體朝廷之心而皆

后則天下之民其有不安者乎每念之不置今君已
矣則其德善於后之表也其何可以不又辭公名濬字
源淵其先浙之江山人至曾祖始遷今之鉛山子
孫遂以鉛山為定居焉曾祖宣祖某父某皆有隱德居
于鄉君年十三嘗推擇為邑庠弟子其性穎敏刻志于
學甫冠以蔡氏書示江西鄉薦明年赴會闈名在乙榜
例授校官以年小辭額卒業大學俟再科未幾登第二
甲進士出身蒙擢主事自刑部而禮部自禮部而工部
凡歷三部可歷皆卓卓有聲至拜 敕命旌之贈封及
其父母妻室天順改元膺近臣薦陞今知府惟抗為前

之劇郡人多難之而君之為也則從容不迫若固有之
於庶務之來必審其緩急察其重輕不為威惕不為勢
疚惟主之以公行之以恕在必期其有濟而已不半載
致有事輯民安之效由是賢能之譽溢于遠邇若闔郡
之民因不舉手加額愛之猶父母仰之猶神明焉又之
躬行屬邑以察民之利病時值久旱行次新城見其田
疇乏水灌溉者弥望君乃登山盤桓周視得其五里之
外有水可引為濟特限於陸地不能致耳君曰地必有
主特召其主諭以引水之由民咸懽然曰府公欲地開
渠以濟吾民吾民其何敢吝其地不為府公開渠以濟

吾民乎君即召民欲其利者於地開渠田遂得水禾稼
以蘇是歲致田大熟民感其惠名其渠曰胡公渠及次
富陽其田乏水亦猶新城君相其地上可引山泉下可
引江水乃召民致牒一所而時其蓄洩於旱不至于乾
於澇不至于溢於農殊便民亦感其惠名其牒曰胡公
牒至若新城有惠許遠忠臣之廟錢唐有唐刺史白居
易宋知州蘇軾處士林逋三賢之祠其祠廟歲久傾圮
君聞之曰是有關於風化者吾之責也即出已俸為倡
率僚友及好義之士佺助修建至于一新以聳士民之
瞻仰郡有老姦宿蠹武斷鄉曲者悉禽獮而草薶之以

除其為民之害於廷聲徹上聞當述職于朝蒙

錫宴禮部至有織衣襲衣宝鈔之賜以寵異之焉平

生尤嚴子弟之教石其弟堯父沒之日命以教育之君

恪遵父命程督之堯必諄上諭之曰尔才不成則我異

曰何顏以見我父於地下漢亦感其言致學之有成今

為邑庠生殆嚮用有日也且於敬老尊賢之意尤篤郡

有致仕之老若太僕卿王公布也使夏公太常少卿陳

公輩凡十餘人諸公於好天良嘗設會曰恩榮以樂

其樂既會必延召以主其席君即欣然赴之未嘗以公

務辭亦未嘗以會而廢其公務也君間亦設席於三賢

祠之思賢亭以酬諸公之會燕樂之餘仍徵各賦一詩以紀其盛刻之于石有不徒俚香山路社諸賢專美于前之志其高風雅致又如此故少卿公之狀謂公之才之德之優方期進列方岳登庸廟廟以大厥施不但惠及一郡而已不知司造化者既豐其才而乃嗇其壽何耶信夫嗚呼君其賢矣哉卒之日囊橐蕭然棺斂之具皆賴賢僚友李君輩以欣助之以此充足驗君平日之為人也既卒塋已而又有賢僚友為其子弟求文以彰其德善於不朽宜予樂為之表而不辭

傳

樂圃處士傳

處士名宣字孟敷樂圃其別號也世蕭山人邑志所載宋名士沈郎中墓在龕山者去處士家一里許即其世祖也曾祖某祖某父某母某氏世為邑之名族子孫以農為業暇則父子兄弟自為師友誦詩讀書以禮義是尚故族之賢者能者代有其人處士兄弟四人行居二以叔父原貞甫無嗣自少奉父命出繼其後原貞甫讀書善治生有器局子處士有能當其意者而處士克繼其志於所獻為善協其心致原貞甫悉以家事屬之日惟優游於東阡西陌之上達其所達者多處士之力

也原貞甫每詣處士為人曰吾家素尚清謹所慮者子弟頑率奢傲以壞吾家法吾觀是子不為俗習所移動必以規矩自防承吾宗者如此子他日吾可瞑目地下矣及宗貞甫沒處士於所壽身日益謹於所治家日益嚴秩上焉而所樹者皆振祖揚宗之蹟致宗族鄉鄰咸嘖上与之曰原貞甫可謂之有子矣且意度闊雅善於處人然見人有為不善者必避之畏之不啻猶蛇蝎然終年足跡未嘗入城府樂與賢士大夫交禮度恂上不諂不瀆終始一致故与之交者罔間親疎咸謂處士為君子人由是邑大夫於鄉飲必欲延致之為賓輒辭不

赴及再招則固辭曰吾實不敢當命乃語人曰一邑之中又豈無如吾者吾其可辱其招哉其廉退知止之量又多類此家有田數頃垂老悉付諸子孫耕耨舍傍有隙地百數弓日惟課童僕樹藝其間於四時見蔬本可撥可擷者蒼翠滿目則喜見顏面曰可以助吾蒸嘗食吾老稚一家滋味得此足矣復於好天良日幅巾藜杖邀其兄若宏齋處士弟宜齋處士欽齋綉衣輩盤桓其中觴咏終日率以為常處士今年幾八袞康強無恙不異少壯時實有德有壽一鄉之白眉也生有文夫子四曰珪曰某曰瑛皆博詩尚禮稱其家兒云

論曰予嘗聞世有篤行君子於窮居獨處不以人不見
聞而其所操所履日益自重動輒不戾乎規矩者蓋其
必欲求其無邪無怍於兩間以盡夫為入之道焉耳然
自非其人於道義知之明行之審者能之邪求若而入
予於處士得之矣是則處士之為人其可尚也夫其可
嘉也夫

浙江按察使陳公傳

昔人之論士必曰先器識而後文藝是知士於器識文
藝皆不可無其曰先器識而後文藝者豈不以器識為
本而文藝為末乎抑豈不以得文藝器識兼備之士之為

美乎觀今浙江按察使鳳陽陳公之所存所致可不謂
之器識文藝之士乎公名璇字其先江陰宦族洪
武中以祖某資產甲於編戶徙實鳳陽子孫遂為鳳陽
人元弟十人皆俊偉傑特公天資允穎異甫冠充郡庠
弟子負蚤夜孜孜篤志於學不煩師資而日進之業倍
人嘗與同輩曰吾輩為學當思不止於撥科可也苟惟
圖此以進身而不思其遠者大者豈足為報朝廷之
作養乎迨登進士第拜監察御史凜乎風裁不察上而
明不沒上而暗致知者以為得風憲體時從兄耘字德
籽亦為監察御史其所學問亦不在公下與予相交善

間謂予曰某性褊迫終不若吾弟某之雍容寬裕喜怒不形他日遠到吾必不若嗣後公果膺敘遷陞雲南按察僉事一日鎮守雲南都督沐公訪予吏部公讀書善談論於人不輕許可予因詢其方面當其意者凡幾人公曰無如憲僉陳某其人予復詰之曰何以知其為人公曰其於憲体未嘗倚法以凌人亦未嘗廢法以貸人吾以是而知予竊識之迨膺薦陞今浙江憲使浙江地大事繁為憲使者百責所萃每難其人公自下車凜冰玉之操不動聲色於所設施間不容髮寬不夫縱猛不失殘正大明白欲究其見於行事者殆不可以徇數事

致方面肅清俾浙江之人無間遠邇靡不向風而懷德咸曰良憲使良憲使已逮書考都憲者謂公少擊搏風公曰法貴禁人不犯不從禁而惟於法者某亦何嘗少貸邪卒以公言達大體既旋軫值考察官者徇於偏聽於公頗不協公即日啓行赴 闕聽進止而浙之軍民咸動容蹙頞如失父母者不啻數千人填衢塞巷率顰顰以挽留之至馬不能前公不得已姑徇民情暫駐於城之宗陽宮一宿黎明取間道而去孰意其耆老李恒等視公又先抵京陳公之政蹟近臣亦以得民心為言由是 朝廷仍令公還視事且公於進退喜愠尤無幾

微見頽面故識者謂公之量誠非沾上小智之比又如
此也惟公平生內貞外和學修行篤故於臨政雍容自
若不樹不矜其心惟在於正人心厚風俗為要於是自
始至終一以德意臨人不鈎距以求情不玩弄以壞法
稍暇則游心經史與寄興詞翰以適其所適而已噫器
識既備文藝亦修非公其人而何今公考績將行予念
先是耆老李恒等徵予文欲昭公之政績于石予方以
不文辭公知之亟命仁和教諭璉大年向予道其意故
予於文辭之益固今公車馬有行色矣予忝知公者且
李恒之請亦不可孤聊述公之所存所致之槩于篇將

欲使觀者不徒知公之為人抑亦足以起其歆慕而慶
聖明之朝曷嘗乏正人君子哉

鄭僉事傳

公姓鄭氏名建字弘中淡泊其別號也閩之福唐人自
幼敦重樸雅讀書日記二千餘言及長從前都察院右
副都御史洪公英學公以其天姿穎悟不凡師資而器
異之馬經明蔡氏書業習舉子業學成膺鄉薦秋闈一
掉鞅而捷明年上春官登進士第載蒙簡拔為庶吉士
讀書翰林一日上御文華殿召試諸葛孔明可與興
禮樂論考居第一拜賞鈔一百錠仍命讀書期以大成

未幾言忤當道黜為廣之南雄通判既抵任知郡民避
徭役逃竄者居多公即與郡守輩議曰一郡之民吾聞
逃者過半吾輩將何為以答上之所命乎衆皆默上
無以為意者公獨不避險艱徧歷屬邑以招徠之仍具
奏許免逋負不數月民悉歸之尋罹內艱將去職致民
遮道攀留咸曰公其活我者公其將去我將誰依躊躇
久之覓間道乃始得行服闋謁選天官時值閩浙之交
民盜銀礦致爭至有與官軍拒者上命處州專設通
判一員以莅其事公膺推擇以任其任焉既至於民諭
以禍福且首為平其力役民遂以寧銀課亦不勞而辦

倏聞寇鄧茂七嘯聚流民越界攻掠上命將出師擒
之公時分守龍泉公偕其子某躬擐甲曹率民兵與賊
抗者數月斬首五百餘級龍泉以平叅將尚書石公璞
復委公除其餘孽公直抵其巢察其情皆良民不過被
寇勢挾而烏合之者悉諭之以歸農得其被掠男婦二
千餘口以還其家蓋亦由公平昔有信有惠及民而致
然也值公秩滿將有述職之行鎮守太監尚書暨巡撫
御史統藩臬二司列奏留之陞同知復奏公有平寇功
又陞食三品俸廷議銀場非得人以綱紀其事則不可
改公浙江按察司僉事公除姦剔弊較昔尤詳夫何有

奸民不得逞其欲者乃構辭以危公致被逮者再人
皆惜之賴 朝廷之明即令復任既還公乃以老且病
為辭獲拜 俞允以致其仕云公平生篤忠孝寡迎合
冰檠固守所至不以家累隨去官之日行李蕭然昔先
正有言不求人知而求天知勿求同俗而求同理公實
有焉抑公豈不得為一代豪傑之士哉今其婦矣枯蒼
之士民有好義而知公者請傳其事以為去思予故撫
其實書以歸之士民曰葉某曰某曰某曰某云

陳梅隱小傳

梅隱姓陳氏名鼎字尚銘梅隱其別號也杭之仁和人

曾祖某祖某父某世居閩隴其業匪商則賈迨梅隱獨
能以詩書是務非賢大夫士不交非孝弟忠信不為由
是學日以進行日以修致閭里爭延之為弟子師循仁
善教至樞之游者戶外之屨恒滿蚤喪父事母極孝謹
日未嘗頃刻或離母側甘旨滫瀡務適其意而甚得母
之歡心母沒謀塋值家甚落有欲助之者則曰親喪固
所自盡者敢假入哉即竭所囊橐以塋焉俾識者又無
不謂其孝而合禮善唐人五七言詩於書若真若行以
及詩篆各能臻其家法名聞遠邇至求其書者無虛日
間有好事者以所得人文字假公卿之名以求其書輒

辨其偽辨曰吾苟書之心其可欺乎雖奉以千金卒莫能易其志性好梅以可勵德當梅盛開終日盤桓其下以爲樂而不厭故人咸稱之曰梅隱云予嘗於兩京間與其兄教諭愛菊交知其爲人以及休致還與之往來幾二十年觀其所操所履始終如一日蓋有處富貴而不驕處貧賤而不諂處患難而不變之善之可嘉其視彼名爲士而玉表石中鳳鳴鸞翰者相去遠甚故爲予之所愛重焉匪特爲予之所愛重凡公卿大夫士知之者亦無不爲之愛重之焉惜其湮沒於下不遇振之者以試其所長於時耳雖然梅隱之所負則又不可不知

張孝廉小傳

其在此而不在彼也今年六十無子撫其猶子二爲子曰環曰瑛尤爲人之所愛篤實善治生恂也然能承順其志意孰謂其無子哉故述梅隱傳者將以遺二子俾其知所勉以紹其清芬也

孝廉姓張氏名貞字志確別號愛竹子而縉紳中人又稱之曰孝廉蓋即其晚年學行之進而然也先世州人曾祖某仕元濟寧萬戶所萬戶元季棄官寓居齊寧入聖朝祖某以間右徙實京師子孫今又爲應天府上元人父某母某氏孝廉自幼穎悟與凡兒異祖抱膝

上教之經史不數過輒成誦謂其父曰此兒他日必能
德吾家宜善撫教之及成童即遣入鄉學以業所業屬
對吟詩屢出輩流師亦異之迨長膺推擇充郡庠弟子
負習禮經舉業之精不煩師資人咸期其大有所造就
一日家之所儲失楮鏹二千貫詢察之乃知其為顧工
人某甲所竊其人亦自首伏問其物今何在曰在今江
口三汊河家內父命孝廉与之同取及至乃告曰我逃
軍也住址實無孝廉時未冠思之良久不釋無人之境
去家二十餘里必反為所害乃縱其自如歸以其情白
諸父上曰其人何在曰縱之去矣乃曰吾兒之見良是

吾兒之見良是且其時匿逃軍之禁甚嚴乃曰吾有子
矣吾有子矣未幾女弟蒙選入內府孝廉與母行與之
俱居北京有年及回父亡家日就落孝廉人以其有學
迨為弟子師教有規矩且學應之無窮致戶外之獲日
滿取資以養其母甚得母之歡心冬溫夏清朝夕不敢
或離膝下母忽遘疾甚劇醫禱皆弗效乃河曰棺尚未
備之奈何默告之祖宗暫出諱之及回母病已瘥八
九及棺成寄之於朝天宮廡下宮罹變攸而棺則巋然
獨存人咸以為孝感所致凡鄉之人遇有死喪患難悉
赴六門以決其措置孝廉據以禮義今其行之俾浮屠

日者輩不得肆誑誘嘗謂人曰人貴乎而戚朋友者
其死喪患難有所濟耳苟況之不異奉而人則豈為
親戚朋友耶而不給者則又与其弟極資力周濟之
不嘗以為德而言貴人而好而出此則而曰命焉
仁非易為者平堅辭之而生善而喜人而五七言
詩書則情平人義獻法遇大比有而入而內供
筆札事致諸廣文輩甚敬愛之事竣而還觀其與諸老
輩倡迭和者盈溢卷軸致人榮之遇好天良日則與平
日相知為詩社者若賀友菊筆遨遊於佳山佳水間以
樂其而樂每歲郡舉行鄉飲必延之以為賓龐眉鶴髮

遊徒猶少壯時致人不指之曰天相之吉人則曰神仙
也予一習舉業殆嚮用有日亦孝廉平日之所積
之所致也予素與孝廉交甚稔知其為人適其門人某
以其平而踐履為狀求予傳其實故得以泚筆以塞其
請掛一漏萬尚期知者補所遺云

題跋

跋九歌圖

昔楚三閭大夫屈原名平字姓博聞強志明於治亂為
懷王左徒王甚任之有上官大夫者與之爭寵造其隙
而譖之於王王遂怒而疏平故平憂愁悲思作離騷以

明已志若九歌是也夫九歌者楚巫樂神之歌平以其
辭多鄙褻故見其辭且托其辭以寓其忠愛之心焉上
稱帝嚳下道齊桓中述湯武其於道德治亂明之於辭
甚約而甚微忠愛之心藹然溢於言表先儒謂其有國
風之不淫小雅之不亂誠如其所許也已夫何宋李伯
時以墨妙一世乃圖其歌之所事之神以傳於世故世
輒以伯時之墨妙而寶之也噫鬼神無形与聲其可以
想象而圖之者邪然世之好事者惟知伯時之墨妙之
為好其可不詳平之文所寓之忠愛而好其九歌以
察其心哉予邑喬木故豕陳氏多藏法書名畫是圖蓋
予故予得識諸左方云

廣西左布政使夏公畫像題辭

中奉大夫廣西左布政使夏公名時字以正別號宗禹
子明敏端潔由進士累官至今職時之名臣也其子宏
義命工繪公之像蓋自弟子負而進士自進士而給事
中自給事中而僉事自僉事而參議自參議而布政使
其像凡六通為一卷一日宏義持以過予知公惟深請
一言以識其端予聞昔子朱子每十年必作一像迨後
世率有貴顯之士每官一轉必作一像今宏義繪公之

像累至於六省殆亦取法於是也雖然宏義繪其親之像豈徒然哉計必欲為子孫者於公百年之後見其像則起其思起其思則其居處志意笑語嗜好從之而可得以及副其春雨霜露之感由是推之則公之像誠有助宏義為子孝親之心也已予則又曰公之像固不可無以系其為子孫者之思然要不可不知其像特像其外耳而公之存於中者心則子孫何可不思求之以嗣續之哉何者公經事五朝幾四十年于以為政則政無不治于以理家則家無不齊致令朝廷之上推公為昭代之名臣鄉閭之間推公為名門之賢嗣其所以

此者皆由公一心所推而然是則宏義果可不又即其像而求其心以為繼繩繩之上者耶若然則公之澤垂於夏氏者詎有涯乎予與公非一日之好喜公之子有世濟之志故舉公之贈書以歸之且勗宏義之子孫謹於什襲以承傳之云

書群兒擊蛇卷後

昔孫叔敖以蛇有兩頭人見之必死即殺而埋之使人不及見孔道輔以蛇為妖於寧州即擊之以死使人以絕其惑此仁人君子之用心也若是圖群兒見蛇而擊之是群兒亦知其蛇為害人之物故亦殺以除其害是

亦良心之發也彼貨郎者力能救之以勿殺匹夫之小不忍果如是耶此事出於稗官小說固不足信使果有是事則貨郎寧不為二公之罪人歟然貨郎匹夫也又何足責哉是圖描法精緻實予品故家陳氏竹逸翁所藏之物翁知言者故書以歸之

書朱文公墨蹟卷後

宋朱文公先生學貫天人續聖人之道於不傳之緒且於經史之奧義宏綱條分縷析集群賢之大成以啓迪後來其功有垂之千萬世而不可磨滅者豈特畫而已哉然其書或有片紙隻字留落人間者人必寶秘之不

啻猶拱璧此書實公之真蹟予獲拜觀於鄉友劉季康所歛衽之餘故謹識之以寓仰止之忱李康其尚寶之哉

題先賢遺墨

是卷若詩若跋凡三十三首一倡一酬自元嶺北左丞太僕危公至抗郡學教授徐公凡十有一人諸公皆元之遺老入 聖朝來其間有仕不仕之分在當時以其文學政事皆為不可多得其人者惜予生也晚不及拜者多憶在童子時得拜一二函者僅徐教授先生蘇編脩先生而已其餘何幸今得見其詞翰真蹟是猶得拜

之也矧諸公之作皆鏗金戛玉有足矜式於人者其是
卷今端之錢唐梅塢陳尚銘所惟尚銘其尚慎藏之

書刑部左侍郎曾翬所奉巡視浙江 敕諭後

右驍黃 敕諭一通蓋刑部左侍郎臣曾翬欽奉

今上皇帝賜捧以巡視浙江者也恭惟 皇上稟上聖
之資統御萬方孜孜為民邇者以水旱相仍民罹飢窘
為憂謂天下諸司任事之臣政有所未至民因之而未
安故簡命在廷之大臣若臣翬之輩十有三人於天下
十三方面以詢察之其間叮嚀切至於政有關民之利
害者許便宜行之務使官得其人民得以遂其生焉誠

千萬年明君誼辟之用心也于是臣翬謹遵 敕諭其

莅浙也鞠躬盡瘁遍歷浙部於軍民官之老而衰者俾

其致仕而歸解而軟者俾其閑住而去廉謹者莅嘉之

貪黷者斥逐之於民之利必興於民之害必除行之無

所不至一本已之至公因民之好惡於奉 敕諭無毫

髮敢有所違卒致 方皦熙五穀熟而民人育

國家太平之治由此可與天地同其長久也是則斯

敕諭也豈特臣翬子子孫孫什襲珍藏為傳家之寶抑

豈又不垂之竹帛為聖明之聖子神孫治天下萬年
之室乎

南齋先生魏文靖公摘稿卷之七



